

Na osnovu člana 70. Zakona o organizaciji organa uprave Federacije BiH ("Službene novine Federacije BiH", broj: 35/05), a u skladu sa Odlukom o utvrđivanju prava na zdravstveno osiguranje lica koja nisu osigurana po drugom osnovu u Bosansko – podrinjskom kantonu Goražde za 2023. Godinu, broj: 01-33-71/23 od 01.02.2023. godine ("Službene novine BPK Goražde", broj: 2/23), Ministar za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, **donosi**:

ODLUKU o raspisivanju Javnog poziva

Član 1.

U cilju osiguranja zdravstvene zaštite za sva lica koja u prethodne tri godine imaju prebivalište na području Bosansko-podrinjskog kantona Goražde, a koja nisu zdravstveno osigurana ili to pravo ne mogu ostvariti po drugom osnovu, Ministarstvo za socijanu politiku, zdravstvo, raseljena lica i izbjeglice Bosansko-podrinjskog kantona Goražde će raspisati Javni poziv.

Član 2.

Javnim pozivom iz člana 1. ove Odluke pozivaju se lica koja u prethodne tri saglasnosti imaju prebivalište u Bosansko-podrinjskom kantonu Goražde, a koja nisu zdravstveno osigurana po bilo kom osnovu, da putem ovog Ministarstva na obrascu koji će biti sastavni dio Javnog poziva prijave činjenicu da pravo na zdravstveno osiguranje ne ostvaruju niti mogu ostvariti po bilo kom drugom zakonom definisanom osnovu.

Član 3.

Prijave i podatke o licima bez zdravstvenog osiguranja prikupljat će Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, a njihovu obradu prije slanja konačnih spiskova Vladi Bosansko-podrinjskog kantona Goražde izvršit će Komisija formirana od strane Ministarstva, dok će po utvrđivanju konačnog spiska administrativne poslove prijave i odjave na zdravstveno osiguranje u ime Vlade BPK Goražde poduzimati lice koje imenuje Vlada BPK Goražde.

Član 4.


Tekst Javnog poziva objavit će se na službenoj web stranici Vlade BPK Goražde, Oglasnoj ploči kantona, te putem sredstava javnog emitiranja.

Član 5.

Ova odulka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

**MINISTARSTVO ZA SOCIJALNU POLITIKU, ZDRAVSTVO,
RASELJENA LICA I IZBJEGLICE BPK GORAŽDE**

Broj:08-33-53-3/23
Goražde, 09.02.2023.godine



Na osnovu Odluke o raspisivanju Javnog poziva Ministarstva za socijalnu politiku, zdravstvo, raseljena lica i izbjeglice BPK Goražde, broj: 08-33-53-3/23 od 09.02.2023.godine, a u skladu sa Odlukom o utvrđivanju prava na zdravstveno osiguranje lica koja nisu osigurana po drugom osnovu u Bosansko-podrinjskom kantonu Goražde za 2023.godinu, broj: 01-33-71/23 od 01.02.2023. godine („Službene novine Bosansko-podrinjskog kantona Goražde“, broj 2/23), Ministarstvo za socijalnu, politiku, zdravstvo, raseljena lica i izbjeglice BPK Goražde, **raspisuje:**

JAVNI POZIV

I

Predmet Javnog poziva je prikupljanje podataka o licima koja u prethodne tri godine imaju prebivalište u Bosansko-podrinjskom kantonu Goražde koja nisu zdravstveno osigurana ili to pravo ne mogu ostvariti po drugom osnovu, kako bi ista na osnovu Odluke o utvrđivanju prava na zdravstveno osiguranje lica koja nisu osigurana po drugom osnovu u Bosansko-podrinjskom kantonu Goražde za 2023. godinu, broj: 01-33-71/23 od 01.02.2023. godine, mogli ostvariti predmetno pravo.

II

Prijavu na Javni poziv mogu podnijeti sva lica i nakon krajnjeg roka za prijavu, koja u prethodne tri godine imaju prebivalište na području Bosansko-podrinjskog kantona Goražde koja nisu zdravstveno osigurana, odnosno to pravo ne mogu ostvariti ni po jednom drugom osnovu, i podnijet će je na obrascu koji je sastavni dio ovog Javnog poziva. Uz prijavu potrebno je dostaviti uvjerenje o mjestu prebivališta (CIPS), uvjerenje o kretanju (MUP), te ovjerenu izjavu aplikanta da nije zdravstveno osiguran ni po jednom osnovu, odnosno da predmetno pravo ne može ostvariti ni po jednom drugom zakonom definisanom osnovu.

III

Prijava koja se može dobiti kod portira na prijavnici Kantona ili u prostorijama Ministarstva, predaje se (popunjeno obrazac) Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde na dalje postupanje. Pored navedenog, obrazac se može preuzeti i na web stranici Vlade BPK Goražde: www.bpkg.gov.ba.

IV

Krajnji rok za prijavu po ovom Javnom pozivu je 09.03.2023. godine.

**MINISTARSTVO ZA SOCIJALNU POLITIKU, ZDRAVSTVO,
RASELJENA LICA I IZBJEGLICE BPK GORAŽDE**

Broj: 08-33-53-4/23
Goražde, 09.02.2023.godine



PRIJAVNI OBRAZAC

1.	Ime (ime roditelja) prezime		
2.	JMBG		
3.	Prebivalište		
4.	Broj lične karte (organ koji je izdao)	izdate od _____	
5.	Kontakt telefon		
6.	Broj članova porodičnog domaćinstva u kojem živite.		
7.	Od kog datuma ste zdravstveno neosigurani		
8.	Da li iko od članova domaćinstva ostvaruje zdravstvenu zaštitu i po kom osnovu	DA	NE
9.	Da li imate ličnih dugovanja prema Fondu zdravstvenog osiguranja	DA	NE
10.	Da li poslodavac kod koga radite ili ste radili ima dugovanja zbog ne uplate zdravstvenog osiguranja	DA	NE
11.	Da li ste prijavljeni na evidenciju kod Službe za zapošljavanje	DA	NE
12.	Da li ste korisnik socijalne zaštite	DA	NE
13.	Da li ostvaruje novčana primanja po bilo kom osnovu	DA	NE
14.	Da li ste pripadnik boračke populacije	DA	NE
15.	Da li ste stariji od 65 godina starosti	DA	NE

DATUM, _____ 2023. godine

Potpis